

BURUJI NEWS

WIZARA YA ULINZI NA JESHI LA KUJENGA TAIFA



BURUJI NEWS

TOLEO NAMBA 002 TOLEO MAALUM

AGOSTI, 2021

www.modans.go.tz

Buriani Elias Kwandikwa

Uliyoyaacha tutayaendeleza



Ndani:-

Rais Samia Aongoza Mamia ya Waombolezaji Kumuaga Kwandikwa
Luteni Jenerali Mkingule Mnadhimu Mkuu Mpya wa JWTZ

Karibu MSANGANI MAKUTI CLUB

Ni ukumbi wa kamandi ya Jeshi la Nchi Kavu

Upo Kilomita Sita kutoka barabara kuu iendayo Morogoro

Utapata huduma nzuri ikiwemo

- Vyakula vya aina mbalimbali,
- Vinywaji vya aina zote,
- Ukumbi kwa ajili ya sherehe,
- Eneo la kupaki magari na ulinzi wa kutosha

BEI NAFUU



KWA MAWASILIANO:
0767-276 203





JAMHURI YA MUUNGANO WA TANZANIA

Jarida hili hutolewa na Ofisi ya Katibu Mkuu Wizara ya Ulinzi na Jeshi la Kujenga Taifa, Kitengo cha Mawasiliano Serikalini. S.L.P 2924 Dodoma, Tanzania/ +255 (26) 2350762/
Nukushi:+255 (26) 23515225

PICHA YA JARIDA

Buriani Elias Kwandikwa
Uliyoyaacha tutayaendeleza

Ndani: Rais Samia Aongoza mamia ya Waombolezaji kumuaga Kwandikwa
Luteni Jeneralii Mkungule Mnadhimu Mkuu Mpya wa JWTZ



WIZARA YA ULINZI NA JESHI LA KUJENGA TAIFA

Yaliyoandikwa kwenye Jarida hili ni
Mawazo ya Wandishi wetu, hayakusudii
kuwasilisha sera, mtazamo wala maoni
ya Uongozi wa Wizara

BODI YA UHARIRI

MHARIRI MKUU

Luteni Kanali Josephat Musira

Naibu Mhariri Mkuu

Kapteni Mohamed Iddi

Wahariri Habari

Kapteni Mohamed Iddi

Sajini Lazarus Masanja

Wandishi wa Habari

Kapteni Mohamed Iddi

Sajinitaji Subira Asukile

Sajini Lazarus Masanja

Sajini Peter Lusse

Wapiga Picha

Kapteni Mohamed Iddi

Sajinitaji Subira Asukile

Sajini Lazarus Masanja

Sajini Peter Lusse

Tovuti na Mitando ya Kijamii

Kapteni Mohamed Iddi

Sajini Lazarus Masanja

Sajini Peter Lusse

Youtube - Ulinzi Channel

Sajinitaji Subira Asukile

Sajini Peter Lusse

Graphics & Design

Sajini Lazarus Masanja

YALIYOMO

| | |
|--|----|
| Maoni ya Mhariri..... | 4 |
| Malenga wetu..... | 4 |
| Rais Samia Aongoza mamia ya Waombolezaji kumuaga Kwandikwa..... | 5 |
| Salaam za Pongezi..... | 6 |
| Waziri Mkuu aongoza waombolezaji Mazishi ya Hayati Kwandikwa..... | 7 |
| Kwaheri Waziri Kwandikwa – Rais Mwinyi..... | 8 |
| Dkt. Mnyepe atuma Salaam za Pole kwa Amiri Jeshi Mkuu..... | 9 |
| Jeneralii Mabeyo asimulia alivyomfahamu Hayati Kwandikwa..... | 10 |
| Nilivyomfahamu Hayati Elias Kwandikwa..... | 13 |
| Luteni Jeneralii Mkungule Mnadhimu Mkuu Mpya wa JWTZ..... | 14 |

MAONI YA MHARIRI

Giza nene lilitawala Usiku wa tarehe 02 Agosti, 2021 ulioleta mshtuko, simamzi na majonzi makubwa, ambao hautakaa usahaulike vichwani mwa watumishi wote wa Wizara ya Ulinzi na Jeshi la Kujenga Taifa, Taifa na wana Ushetu kwa ujumla, kwa kuondokewa na mpendwa wao aliyekuwa Waziri wa Ulinzi na JKT na Mbunge wa Jimbo la Ushetu, wilaya ya Kahama mkoani Shinyanga, Hayati Elias John Kwandikwa.

Hayati Elias John Kwandikwa alifariki dunia usiku wa tarehe 02 Agosti, 2021 katika Hospitali ya Taifa Muhibili alilkokuwa akipatiwa matibabu kuanzia tarehe 20 Julai, 2021 alipohamishiwa kutoka Hospitali Kuu ya Jeshi – Lugalo alikokuwa amelazwa kuanzia tarehe 18 Julai, 2021, baada ya hali yake kubadilika na kuhitaji uangalizi zaidi.

Hayati Kwandikwa aliteuliwa kwa mara ya kwanza kuiongoza Wizara ya Ulinzi na JKT na aliyekuwa Rais na Amiri Jeshi Mkuu wa Serikali ya Awamu ya Tano, Hayati Dkt. John Pombe Joseph Magufuli tarehe 05 Disemba, 2020.

Aidha, Tarehe 10 Aprili, 2021 aliteuliwa kwa mara nyine na Rais na Amiri Jeshi Mkuu wa Serikali ya Awamu ya Sita, Mheshimiwa Samia Suluhu Hassan kuendelea kuiongoza Wizara hii. Kuteuliwa kwake mara mbili mfululizo kuiongoza Wizara, kunatokana na imani walijouwa nayo viongozi wetu kwake kutokana na utendaji wake mzuri na wenye kutukuka unaofaa kuigwa.

Hayati Kwandikwa ametutoka ghafla wakati ambao Taifa, Wizara na wananchi wa jimbo la Ushetu tulikuwa bado tunahitaji mchango wake katika utendaji kazi wake wa kila siku.

Hayati Elas Kwandikwa atakumbukwa daima kwa mchango wake aliota wakati wa uhai wake kwa Wizara, Taasisi na Taifa kwa ujumla katika kuboresha ustawi wa Maafisa, Askari, Vijana pamoja na Watumishi wa Umma.

Mungu amlaze mahali pema peponi, Amina.

Kwa maoni na ushauri tafadhali wasiliana nasi kupitia;

gcumod@gmail.com,

DIRA YA WIZARA:

Kuwa Taasisi iliyotukuka ya kulinda na kudumisha amani na usalama wa Taifa letu.

DHIMA YA WIZARA:

Kuendelea kulinda Jamhuri ya Muungano wa Tanzania dhidi ya adui wa aina yoyote kutoka ndani na nje ya nchi kwa kuhakikisha kuwa mamlaka na maslahi mapana ya nchi yetu yanakuwa salama.

Malenga Wetu

Buriani Mheshimiwa Kwandikwa

1. Naja tena ulingoni, majonzi tele kichwani, Nasononeka rohoni, na maumivu moyoni, Kwa uchungu kusheheni, nashindwa niseme nini, *Buriani Mhe Kwandikwa, daima tutakuenzi.*
2. Ghafula umetutoka, wakati twakuhitaji, Dunia umeiaga, pasipo kutupa hai, Japo kufa ni lazima, alivyosema Manani, *Buriani Mhe Kwandikwa, daima tutakuenzi.*
3. Kama ingekuwa kura, tungenesema ungojee, Ubaki kuwa imara, ofisini urejee, Kifo kivute subira, uhai uendelee, *Buriani Mhe Kwandikwa, daima tutakuenzi.*
4. Lakini hatuna budi, kusema nenda salama, Twaona mengi mazuri, yale ulioanzisha, Kutaja yote siwezi, kuyasemea nashindwa, *Buriani Mhe Kwandikwa, daima tutakuenzi.*
5. Hakika ulitupenda, nasi pia twakupenda, Wadogo kuheshimia, pasi na kujali rika, Wizara kusimamia, na wote ulowakuta, *Buriani Mhe Kwandikwa, daima tutakuenzi.*
6. Twabaki twagugumia, kwa uzito wa majonzi, Moyoni tunaumia, kushikwa nayo simanzi, Twashindwa kuhadithia, hata kuruka viunzi, *Buriani Mhe Kwandikwa, daima tutakuenzi.*
7. Wizara kupambania, kwa nyuma hukubakia, Mipango kujipangia, kwa dhati kusimamia, Maslahi kupigania, matunda twashuhudia, *Buriani Mhe Kwandikwa, daima tutakuenzi.*
8. Twakuahidi kwa dhati, we ndugu yetu kipenzi, Hayatakuwa tamati, daima tutayaenz, Hata kukata na miti, lengo lake kukuenzi, *Buriani Mhe Kwandikwa, daima tutakuenzi.*
9. Safari umeanzisha, nasi pia tunakuja, Twakuombea kwa Mola, adhabu kuipunguza, Ulale mahali pema, kwa amani pumzika, *Buriani Mhe Kwandikwa, daima tutakuenzi.*
10. Nashusha yangu kalamu, mbele siwezi sogezwa, Niache yalo muhimu, mkono kupumzishwa, Nionyeshe yangu nidhamu, mbele nisije puuzwa, *Buriani Mhe Kwandikwa, daima tutakuenzi.*

Luteni Kanali Josephat Musira,
(Sauti ya Lugha),
Sanduku la Posta 2924,
DODOMA, Tanzania.

Rais Samia Aongoza Mamia ya Waombolezaji Kumuaga Kwandikwa ● Wananchi Wamlilia kwa Unyenyekevu Wake



Rais wa Jamhuri ya Muungano wa Tanzania na Amiri Jeshi Mkoo wa Majeshi ya Ulinzi Mhe. Samia Hassan Suluhu akitoa heshima zake za mwisho kwa Hayati Elias John Kwandikwa, aliyekuwa Waziri wa Ulinzi na Jeshi la Kujenga Taifa, tukio hili lilifanyika katika Viwanja vya Karimjee Jijini Dar es Salaam.

Na Kapteni Mohamed Idd

Rais wa Jamhuri ya Muungano wa Tanzania na Amiri Jeshi Mkoo, Mheshimiwa Samia Suluhu Hassan tarehe 06 Agosti, 2021 ameongoza Viongozi na Wananchi kuaga mwili aliyekuwa Waziri wa Ulinzi na JKT, Hayati Mheshimiwa Elias John Kwandikwa katika Viwanja vya Bunge Karimjee, Dar es Salaam. Waziri Kwandikwa aliyefariki tarehe 02 Agosti, 2021 katika Hospitali ya Taifa Muhimbili alikokuwa anapatiwa matibabu.

Hayati Mheshimiwa Elias John Kwandikwa aliyekuwa Mbunge wa Jimbo la Ushetu wilayani Kahama mkoani Shinyanga na Waziri wa Ulinzi na JKT.

Rais Samia wakati wa kutoa salamu za Rambirambi kwa Familia, ndugu na jammaa alisema "Waziri Kwandikwa alikuwa kiongozi shupavu, nyenyekevu na msikivu wa ushauri na mto anayependa kujifunza. Nilimfahamu Kwandikwa wakati anachanguliwa kwa mara ya kwanza

kuwa Naibu waziri wa Ujenzi na baadaye kupandishwa na kuwa Waziri wa Ulinzi na JKT katika Awamu ya Serikali ya Tano iliyoongozwa na Hayati Dkt. John Joseph Pombe Magufuli".

Rais Samia ameitaka Familia, Wizara na Jeshi kuwa wavumilivu wakati huu wa maombelezo ya mpendwa wetu, kwani Serikali iko nao bega kwa bega katika msiba huu kwani taarifa za msiba nilizipokea kwa huzuni wakati nikiwa ziari nchini Rwanda. "Kwani nafahamu na nilipata taarifa za kuugua kwake na hadi analazwa Hospitali ya Taifa Muhimbili akitokea hospitali kuu ya Jeshi Lugalo na hadi mauti yanamkuta, nilisikitishwa na taarifa za msiba kwa Mheshimiwa Kwandikwa kwani Taifa na Serikali limepoteza mtu muhimu sana aliyejitlea katika kufanya kazi kwa bidii na uweledi mkubwa".

Aidha, katika Salamu za rambirambi Mheshimiwa Rais alitoa Salamu za

pole kwa Waziri Mkoo Mheshimiwa Kassim Majaliwa Majaliwa (Mb) kwa kumpoteza kiongozi imara wa Baraza la Mawaziri na kumtaka kuwa mvumilivu kipindi hiki cha msiba kwa Serikali iko pamoja nao katika msiba huu.

Pia, Mheshimiwa Rais alitoa salamu za rambirambi kwa Spika wa Bunge Mheshimiwa Job Ndugai kwa kumpoteza Mbunge wa Jimbo la Ushetu na Waziri wa Ulinzi na JKT na kuwataka wabunge kuwa wapole wakati huu wa msiba wa mpendwa wao. Mheshimiwa Rais pia alipata nafasi ya kuongoza Viongozi wa kitaifa na waombolezaji kuuaga mwili wa aliyekuwa Waziri wa Ulinzi na JKT na Mbunge wa Ushetu, Hayati Mheshimiwa Elias John Kwandikwa katika Viwanja vya Karimjee na kusafirishwa kwenda nyumbani kwao mkoani Shinyanga Wilayani Kahama katika Halmashauri ya wilaya ya



JAMHURI YA MUUNGANO WA TANZANIA
WIZARA YA ULINZI NA JESHI LA KUJENGA TAIFA



Luteni Jenerali Mathew Edward Mkingule
Salamu za Pongezi

Katibu Mkoo Wizara ya Ulinzi na Jeshi la Kujenga Taifa Dkt. Faraji Kasidi Mnyepe kwa niaba ya **Menejimenti** na **Watumishi** wote wa **Wizara** anakupongeza kwa kuteuliwa na **Rais na Amiri Jeshi Mkoo, Mheshimiwa Samia Suluhu Hassan** kuwa **Mnadhimu Mkoo wa Jeshi la Ulinzi la Wananchi wa Tanzania** na kisha kukupandisha cheo kuwa **Luteni Jenerali.**



Ulinzi Channel



www.modans.go.tz



info@gmail.go.tz # gcumod@gmail.com

Ukilikosa Jarida la BURUJI Jihesabu umeachwa

The collage features several issues of the BURUJI NEWS newspaper. The top left issue shows a portrait of a man in a suit and tie, with the headline "Burani Elias Kwandikwa". The top right issue shows a group of soldiers in formation, with the headline "Elias Kwandikwa". The bottom left issue shows two men shaking hands, with the headline "Tanzania na Msumbiji Zaimarisha na Ushirikiano". The bottom right issue shows a group of people, with the headline "Rais Samia Asongza Maria ya Wmoobolezaji Kumaga Kwandikwa". The background of the collage is green.

Waziri Mkuu Aongoza Waombolezaji

Mazishi ya Hayati Kwandikwa



Waziri Mkuu wa Jamhuri ya Muungano wa Tanzania, Mheshimiwa Majaliwa Kassim Majaliwa akiweka Shada la Maua kwenye kaburi la Hayati Elias John Kwandikwa.

Na Luteni Kanali Josephat Musira

Waziri Mkuu wa Jamhuri ya Muungano wa Tanzania, Mheshimiwa Majaliwa Kassim Majaliwa ameongoza familia na waombolezaji wakati wa mazishi ya aliyekuwa Waziri wa Ulinzi na Jeshi la Kujenga Taifa, Hayati Mheshimiwa Elias John Kwandikwa aliyesariki Dunia Agosti 02, 2021.

Mazishi hayo yamefanyika katika kijiji cha Butibu – Ushetu wilaya ya Kahama mkoani Shinyanga kwa taratibu zote za kidini pamoja na zile za kijeshi.

Kwa upande wa taratibu za kidini, Misa ya kumwombea Marehemu iliongozwa na Askofu Mkuu Jimbo Katoliki la Moshi na Msimamizi wa Kitume Jimbo Katoliki la Kahama, Askofu Ludovick Minde akisaidiana na mapadri kutoka Parokia mbalimbali za Jimbo Kuu Katoliki la Kahama.

Nayo, Mazishi ya Kijeshi yamefanyika kwa Gwaride rasmi la mazishi sambamba na kupigwa mizinga kumi na saba. Kupigwa kwa mizinga

hiyo kunaashiria heshima na hadhi aliyokuwa nayo Hayati Mheshimiwa Elias John Kwandikwa ya Waziri wa Ulinzi na Jeshi la Kujenga Taifa anayepigwiwa mizinga idadi hiyo sawa na Mkuu wa Majeshi endapo atafariki.

Salaam za rambirambi zilitolewa na viongozi wa ngazi mbalimbali wa Chama na Serikali, akitoa salaam za pole kwa niaba ya watumishi wa Wizara ya Ulinzi na JKT, Dkt. Faraji Kasidi Mnyepe amemuelezea Hayati Mheshimiwa Elias John Kwandikwa kuwa alikuwa ni mbunifu, mnyenyekuvu, asiyekuwa na makuu aliyewapenda watumishi waliofanya kazi chini yake na ameondoka kipindi ambachao Wizara ilikuwa inamhitaji kuliko kipindi chochote kile. Aidha, amesema Wizara itaendelea kumkumbuka kwa mchango wake mkubwa alioutoa kwa Wizara. Pia, ameahidi kuyasimamia yale yote aliyoyaanzisha na kuyaamini kwa maslahi mapana ya nchi yetu.

Naye Waziri Mkuu, aki-

hutubia umati wa waombolezaji kwa niaba ya Rais wa Jamhuri ya Muungano wa Tanzania na Amiri Jeshi Mkuu, Mheshimiwa Samia Suluhu Hassan, amesema Serikali itaenzi ikiwa ni pamoja na kutekeleza mipango na ahadi zote alizowaahidi wananchi wa Jimbo la Ushetu ili kufikia malengo na kuziba pengo liliroachwa na Hayati Elias Kwandikwa.

Mazishi ya Hayati Mheshimiwa Elias John Kwandikwa yamehudhuriwa pia, na Mawaziri na Manai-bu Waziri, Makatibu Wakuu na Manaibu Katibu Wakuu, wakuu wa mikoa, Mkuu wa Majeshi, Wakuu wa Wilaya, Viongozi wa chama na Serikali, waheshimiwa wabunge na wakuu wa vyombo vya Ulinzi na Usalama.

Wengine ni pamoja na Maafisa Majenerali, Maafisa Wakuu, Maafisa Wadogo, Askari, Vijana, Watumishi wa Umma wa Wizara ya Ulinzi na JKT, wananchi wa jimbo la Ushetu pamoja na wale wa mikoa wa Shinyanga na mikoa ya mingine jirani.



Kwaheri Waziri Kwandikwa- Rais Mwinyi

- Nilimuachia Wizara ya Ulinzi na JKT
- Ni Mtu Mcheshi na Msikivu



Rais wa Zanzibar na Mwenyekiti wa Baraza la Mapinduzi Mhe. Dkt. Hussein Ali Mwinyi na Mkewe Mama Maryam Mwinyi wakitoa heshima zao za Mwisho kwa Hayati Elias John Kwandikwa, aliyekuwa Waziri wa Ulinzi na Jeshi kla Kujenga Taifa, tukio hili nilifanyika katika Viwanja vya Karimjee Jijini Dar es Salaam

Na Kapteni Mohamed Idd

Rais wa Zanzibar na Mwenyekiti wa Baraza la Mapinduzi, Mheshimiwa Dkt. Hussein Ali Mwinyi ameshiriki katika kuaga mwili wa aliyekuwa Waziri wa Ulinzi na JKT, Hayati Elias John Kwandikwa na Mbunge wa Ushetu katika Viwanja vya Bunge Karimjee, Jijini Dar es Salaam siku ya Ijumaa tarehe 06 Agosti, 2021.

Rais Mwinyi wakati akitoa salamu za pole kwa familia, ndugu na jamaa walio-

hudhuria kuaga mwili "Nimesikitishwa sana na taarifa ya kifo cha Kwandikwa, kwani Nilifanya naye kazi tukiwa Bungeni na Mpaka Uchangazi Mkuu wa Mwaka 2020, nilipochaguliwa kuwa Rais wa Zanzibar naye akachaguliwa kuwa Waziri wa Ulinzi na JKT, nilimkabidhi ofisi kuwa Waziri wa Ulinzi".

Aidha, Rais Mwinyi amewataka Wabunge kuwa wavumilivu wakati huu wa msiba wa mpendwa wao, kwani kazi ya Mungu haina

makosa. Mheshimiwa kwandikwa ametutoka ghafla wakati Wizara na Serikali bado inahitaji mchango wake katika utendaji wa kila siku.

Aidha, Rais wa Zanzibar na Mwenyekiti wa Baraza la Mapinduzi alipata nafasi ya kutoa salamu zake za mwisho kwa mwili wa aliyekuwa waziri wa Ulinzi na JKT Mheshimiwa Elias John Kwandikwa katika Viwanja vya Karimjee, jijini Dar es Salaam.



Dkt. Mnyepe atuma salaam za pole kwa Amiri Jeshi Mkuu

Na Luteni Kanali Josephat Musira

Katibu Mkuu wa Wizara ya Ulinzi na JKT, Dkt. Faraji Kasidi Mnyepe kwa niaba Wizara, ametuma salaam za pole kwa Rais na Amiri Jeshi Mkuu kwa kumpoteza mmoja wa mawaziri wake, aliyejukwa akimsaidia katika kuliongoza Taifa wakati wa mazishi ya aliyejukwa Waziri wa Ulinzi na JKT yaliyofanyika tarehe 09 Agosti, 2021 katika kijiji cha Butibu, wilaya ya Kahama, mkoani Shinyanga.

“Napenda kutoa pole kwa Mheshimiwa Rais na Amiri Jeshi Mkuu, Mheshimiwa Samia Suluhu Hassan kwa kumpoteza Mheshimiwa Elias John Kwandikwa mmoja wa Mawaziri wake wanaomsaidia katika kuliongoza Taifa letu kwa lengo la kuwatumikia wananchi, lengo likiwa ni moja tu la kuwaletea maendeleo”, alisema.

Pia, Katibu Mkuu ametoa pole kwa familia, ndugu jamaa, marafiki na majirani kwa kumpoteza mpPENDWA wao kwani alikuwa ni nguzo muhimu katika familia na kuondoka kwake kunaacha pengo kubwa lisiloweza kuzibika kirahisi.

Aidha, Dkt. Mnyepe ametoa pole kwa Spika wa Bunge la Jamhuri ya Muungano wa Tanzania, kwa niaba ya Wabunge wote kwa kumpoteza mbunge mwenzao pamoja na wananchi wa Jimbo la Ushetu wilayani Kahama kwa kufiwa na mwakilishi wao aliyejitoa kwa dhati kuwatumikia tangu alipochaguliwa kwa mara ya kwanza mwaka 2015 na kisha kumchagua kwa mara ya pili bila kupingwa wakati wa Uchaguzi Mkuu wa 2020”, aliongeza.

Dkt. Mnyepe ametoa pia pole, kwa Mkuu wa Majeshi,



Katibu Mkuu Wizara ya Ulinzi na Jeshi la Kujenga Taifa Dkt. Faraji Kasidi Mnyepe

pole kwa Spika wa Bunge la Jamhuri ya Muungano wa Tanzania, kwa niaba ya Wabunge wote kwa kumpoteza mbunge mwenzao pamoja na wananchi wa Jimbo la Ushetu wilayani Kahama kwa kufiwa na mwakilishi wao aliyejitoa kwa dhati kuwatumikia tangu alipochaguliwa kwa mara ya kwanza mwaka 2015 na kisha kumchagua kwa mara ya pili bila kupingwa wakati wa Uchaguzi Mkuu wa 2020”, aliongeza.

Jenerali Venance Salvatory Mabeyo, Menejimenti ya Wizara ya Ulinzi na JKT, Majenerali, Maafisa Wakuu, Maafisa Wadogo, Askari, Vijana na Watumishi wa Umma na wananchi wa Jimbo la Ushetu, kufuatia kifo cha aliyejukwa Waziri wa Ulinzi na JKT, Hayati Mheshimiwa Elias John Kwandikwa.

“Mwisho, natoa pole kwa Mkuu wa Majeshi, Jenerali Venance Salvatory Mabeyo, Menejimenti ya Wizara ya Ulinzi na JKT, Majenerali, Maafisa Wakuu, Maafisa Wadogo, Askari, Vijana na Watumishi wa Umma wa Wizara ya Ulinzi na JKT kufuatia kifo cha kiongozi wao mpPENDWA aliyejitoa kwa dhati kuwatumikia”, alihitimisha.

Akieleza chanzo cha kifo cha Hayati Kwandikwa, Dkt. Faraji alisema Hayati Mheshimiwa Elias John Kwandikwa alianza kujisikia vibaya tarehe 17 Julai, 2021 na kuanzia tarehe 18 Julai, 2021 alilazwa katika Hospitali Kuu ya Jeshi – Lugalo na tarehe 20 Julai, 2021 alihamishiwa katika Hospitali ya Taifa Muimbili baada ya hali yake kubadilika aliendelea na matibabu hadi alipofariki dunia tarehe 02 Agosti, 2021.

Mheshimiwa Majaliwa Kasim Majaliwa, Waziri Mkuu wa Jamhuri ya Muungano wa Tanzania, kwa niaba ya Rais na Amiri Jeshi Mkuu, Samia Suluhu Hassan aliongoza waombolezaji katika Mazishi ya Hayati Elias John Kwandikwa.



Rais wa Jamhuri ya Muungano wa Tanzania na Amiri Jeshi Mkuu wa Majeshi ya Ulinzi Mhe. Samia Suluhu Hassan akitoa pole kwa Familia ya Hayati Elias John Kwandikwa, aliyejukwa Waziri wa Ulinzi na Jeshi la Kujenga Taifa, wakati wa tukio la kutoa heshima za mwisho katika Viwanja vya Karimjee Jijini Dar es Salaam.



Nilivyomfahamu Waziri Elias Kwandikwa



Na Kapteni Mohamed Idd

Hayati Elias John Kwandikwa alizaliwa mnamo tarehe 1 Julai, 1966 katika kijiji cha Butibu, Halmashauri ya Ushetu katika Wilaya ya Kahama Mkoani Shinyanga. Elias Kwandikwa alianza kuptata elimu yake ya msingi katika shule ya Msingi Kisuke Wilayani Kahama kuanzia mwaka 1977-1983.

Baada ya hapo akajiunga na Shule ya Sekondari ya Mwenge kuanzia mwaka 1984-1987. Ilipofikia mwaka 1987, alijiunga na Shule ya Sekondari Shinyanga alipohitimu kidato cha sita.

Elias John Kwandikwa alijiunga na masomo ya astashahada katika chuo cha usimamizi wa fedha-IFM kwa masomo ya fani ya Uhasibu na kuhitimu mwaka

Hayati Elias John Kwandikwa

1999. Ilipofikia mwaka 2015 Mheshimiwa Kwandikwa alipata shahada ya Uzamili katika masuala ya Usimamizi wa bishara katika chuo cha Utawala cha Mashariki na kusini mwa Afrika.

Katika maisha yake katika utumishi Serikalini, aliajiriwa katika ofisi ya mkaguzi Mkuu kama Mkaguzi daraja la pili mwaka 1990-1995, kuanzia mwaka 1995-1997 alipandishwa cheo na kuwa Mkaguzi daraja la kwanza. Kufikia mwaka 2005 Mheshimiwa Kwandikwa alikuwa Mkaguzi Mkuu katika Ofisi ya Mkaguzi Mkuu

Kwa upande wa ulingo wa siasa Mheshimiwa Kwandikwa mpaka anafariki dunia alikuwa Waziri wa Ulinzi na JKT na Mbunge wa Bunge la Tanzania akiwakilisha wananchi wa jimbo la Uchaguzi Ushetu wilayani Kahama Mkoani Shinyanga. Alichaguliwa kwa

mara ya kwanza kuwa mbunge wa Bunge la Jamhuri kuanzia mwaka 2015 na kuchaguliwa tena kwa mara ya pili bila ya kupingwa.

Aidha, kabla ya kuwa Waziri wa Ulinzi na JKT Hayati Kwandikwa aliwahi kuwa Naibu Waziri wa Ujenzi, Mawasiliano na Uchukuzi (sekta ya Ujenzi) na mjumbe wa Baraza la Chama cha Mapinduzi Mkoa wa Pwani katika Wilaya ya kibaha, Pia alishawahi kuwa Mjumbe katika Halmashauri kuu ya Chama cha Mapinduzi Mkoani Shinyanga.

Mpaka mauti yanamkuta Hayati Elias John Kwandikwa alikuwa Mbunge na Waziri wa Ulinzi na JKT katika Serikali ya Awamu ya sita inayoongozwa na Rais Mheshimiwa Samia Suluhu Hassan.



Jenerali Mabeyo asimulia alivyomfahamu

Hayati Kwandikwa

- Aliwapenda Maafisa, Askari na Watumishi wa Umma
- Alipenda kujifunza mambo kuhusu Jeshi

Na Sajini Lazarus Masanja

Mkuu wa Majeshi ya Ulinzi Jenerali Venance Salvatory Mabeyo, amemuelezea Hayati Elias John Kwandikwa aliyeokuwa Waziri wa Ulinzi na Jeshi la Kujenga Taifa aliyesariki Dunia tarehe 02 Agosti, 2021 katika Hospitali ya Muhimbi baada ya kuugua kwa muda mfupi.

Jenerali Mabeyo aliyesema hayo katika Viwanja vya Hospitali ya Lugalo alipowaongoza Maelfu ya Maafisa na Askari wa Jeshi la Ulinzi la Wananchi wa Tanzania pamoja na Watumishi wa Wizara ya Ulinzi na Jeshi la Kujenga Taifa.

Akiongea kwa majonzi muda mfupi kabla ya kutoa heshima za Mwisho kwa mwili wa Hayati Kwandikwa Jenerali Mabeyo alisema ye ye binafsi, Maafisa, askari na Watumishi wa Umma walizipokea taarifa hizi za msiba wa Hayati Kwandikwa kwa msituko mkubwa na simanzi kubwa kwa sababu ilikuwa ghafla.

"Hayati Elias John Kwandikwa alikuwa ni mtu wa kipekee naomba nitaje machache ya upekee wake, upekee wake wa kwanza ni upole wake, usikivu wake na unyenyekevu wake; upole wake huu uliwahi kuelezwia pia na aliyeokuwa Rais wa Awamu ya Tano wa Jamhuri ya Muungano wa Tanzania Hayati Dkt. John Pombe Joseph Magufuli alipomuelezea mara baada ya kumuapisha kuwa Waziri wa Ulinzi na Jeshi la Kujenga Taifa pale Ikulu Chamwino Jijini Dodoma," Alisema Jenerali Mabeyo.

Aidha, Jenerali Mabeyo aliedelea kusema kuwa "Kwa sisi tuliohatika kufanya kazi Chini yake ni mashahidi wa jambo hilo, pamoja na upole huo alikuwa ni Kiongozi mchapakazi anayependa kujifunza kutoka kwa wafuasi wake; Kitaaluma Hayati Kwandikwa alikuwa ni Mhasibu lakini kutohana na usikuvu wake na moyo wake wa kupenda kujifunza kwa muda mchache aliofanya kazi kama Waziri wa Ulinzi na JKT aliweza kujifunza mambo mengi ya Kijeshi na kuonesha ubobezi katika masuala haya ya Kijeshi licha ya ye ye kuwa Mhasibu"



Mkuu wa Majeshi ya Ulinzi Jenerali Venance Mabeyo akisaini kitabu cha Maombolezo muda mfupi kabla ya kuaongoza Maelfu ya Waombolezaji kutoa heshima zao za mwisho kwa Hayati Elias John Kwandikwa aliyeokuwa Waziri wa Ulinzi na JKT katika Viwanja vya Hospitali ya Lugalo Jijini Dar es Salaam.


Akiendelea kumuelezea Hayati Kwandikwa Jenerali Mabeyo alisema upekee mwingine wa Hayati Kwandikwa ni aina ya Kiongozi asiypenda kutumia muda mwungi akiwa ofisini, alipenda zaidi kuwatemeblea Maafisa na Askari katika maeneo yao ya kazi ili aweze kujionea hali halisi ya Zana, Vifaa na Mazingira ya kufanya kazi na ustawi wa Wanajeshi; mfano mmoja wa hili ni pale alipoamua kutembelea Makao Mkuu ya Kamandi zote za Jeshi ambazo ni Jeshi la Nchi Kavu, Jeshi la Anga na Jeshi la Wanamaji siku chache tu baada ya uteuzi wake, kwa nia hiyo hiyo ya kutaka kujionea hali halisi badala ya kusubiri taarifa aletewe ofisini na aliendelea kufanya hivyo katika maeneo mengine.

"Si wale waliokuwa wakifanya kazi tu aliweza pia kuwatemeblea hata Wastaafu wetu nakumbuka amewatemeblea Wakuu wa Majeshi Wastaafu; amemtembelea Jenerali Musuguri kule Butiama, akamtembelea Jenerali Sarakikya kule Arusha-Arumeru, akamtembelea Jenerali Mbomba hapa Dar es Salaam, akamtem-

belea Jenerali Waitara na akamtembelea Jenerali Mwamunyange nia yake kubwa ilikuwa ni kufahamu na kuelewa maisha yao baada ya kustaafu, Changamoto wanazokutana nazo na kuona namna ambavyo anaweza kuwasaidia baada ya kustaafu kwao kweli alitutia faraja kubwa sisi tulioko kazini" Alisisisiza Jenerali Mabeyo.

Hayati Elias John Kwandikwa tangu alipoteuliwa kuwa Waziri wa Ulinzi na Jeshi la Kujenga Taifa amefanya ziara nyingi sana katika maeneo mbalimbali ambazo zilimuwezsha kujionea hali halisi na kutufuta ufumbuzi wa Changamoto alizokumbana nazo na zile zilizokuwa nje ya uwezo wake aliziwasilisha ngazi za juu.

Akiongea kwa Majonzi Jenerali Mabeyo alisema Jeshi la Ulinzi la Wananchi wa Tanzania litamkumbuka Hayati Elias John Kwandikwa kwa jithada zake za ndani za kupunguza nakisi ya bajeti hususan katika huduma ya afya kwa Wanajeshi ambambo alisimamia kwa ukaribu uendeshaji wa Mfuko wa huduma ya Afya Jeshini.



**Tunafoa Elimu ya Sekondari kwa kidato cha kwanza hadi
kidato cha nne, na kidato cha fano na sita kwa michepuo ya
PCB, PCM, PGM, CBG, EGM, ECA, HGE, HGL, HGK na HKL
Pia Sekondari miaka miwili (QT)**

Tunafundisha kozi za kompyuta
zinazoratibiwa na VETA.

- * Basic Skills in ICT.
- * ICT intermediate course.
- * Applied Computerised Accounting.
- * Introduction to Media in Education and Training.



Mawasiliano:

Mob: 225715169654 na 255713190324

Tovuti: www.jitegemee-sec.com Barua pepe: jitegsec@yahoo.com

Inatoka Ukurasa wa 9



Mkuu wa Majeshi ya Ulinzi, Jenerali Venance Salvatory Mabeyo akielezea alivyomfahamu Hayati Kwandikwa



Mkuu wa Majeshi ya Ulinzi Jenerali Venance Salvatory Mabeyo akiweka Shada katika kaburi la Hayati Elias John Kwandikwa aliyekuwa Waziri wa Ulinzi na Jeshi la Kujenga Taifa Kijijini alipozaliwa Ushetu

Alisema "Katika hali ya kawaida ni nadra saana kuwapata binadamu wenyewe sifa adhimu kama alizokuwa nazo Hayati Elias John Kwandikwa na katika mukadha huo, inapotokea tumeondokewa na mtu mwenye sifa kama hizo sio tu kwamba inatuhuzunisha lakini pia inakuwa ni vigumu kukubaliana na hali hiyo, hata hivyo ni wajibu wetu sote kuyaendeleza yale aliyoyapi-

gania kwa mustakabali wa Ulinzi na Usalama wa nchi yetu JWTZ litaendelea kumkumbuka kutokana na moyo wake wa Uzalendo na mchango wake mkubwa katika kuboresha ustawi wa Maafisa na Askari na Watumishi wa Umma pamoja na Zana zetu tunazozitumia ili kuimarisha ulinzi wan chi yetu"

Hayati Elias John Kwandika alizaliwa mwaka 1966 na kufariki Dunia tarehe 02 Agosti, 2021 katika Hospitali ya Taifa Muhimbili ambako alikuwa amelazwa na Kuzikwa tarehe 09 Agosti, 2021 katika kijiji cha Butibu – Ushetu wilaya ya Kahama mkoani Shinyanga kwa taratibu zote za kidini pamoja na zile za kijeshi.



Luteni Jenerali Mkingule Mnadhimu Mkoo Mpya wa JWTZ

● Anakuwa Mnadhimu Mkoo wa 14 wa JWTZ



Rais wa Jamhuri ya Muungano Tanzania na Amiri Jeshi Mkoo, Mheshimiwa Samia Suluhu Hassan akimuapisha Luteni Jenerali Mathew Edward Mkingule kuwa Mnadhimu Mkoo wa Jeshi la Ulinzi la Wananchi wa Tanzania IKULU Jijini Dar es Salaam.

Na Sajinitaji Subira Asukile

Rais wa Jamhuri ya Muungano Tanzania na Amiri Jeshi Mkoo, Mheshimiwa Samia Suluhu Hassan amemteua na kumpandisha cheo kisha kumwapisha Luteni Jenerali Mathew Edward Mkingule kuwa Mnadhimu Mkoo wa 14 wa Jeshi la Ulinzi la Wananchi wa Tanzania.

Hafla ya kumwapisha Mnadhimu Mkoo mpya wa Jeshi la Ulinzi la Wananchi wa Tanzania zimefanyika Jumamosi ya tarehe 21 Agosti, 2021 Ikulu Jijini Dar es salaam.

Mkoo wa Majeshi, Jenerali Venance Salvatory Mabeyo aliongoza Itifaki za kijeshi katika hatua ya kumvalisha cheo cha Luteni Jenerali kutoka cheo cha Meja Jenerali kabla ya kuapishwa na Rais kuwa Mnadhimu Mkoo Mpya

wa Jeshi la Ulinzi la Wananchi wa Tanzania.

Luteni Jenerali Mkingule ameteuliwa kushika nafasi hiyo baada ya aliyekuwa Mnadhimu Mkoo wa Jeshi la Ulinzi la Wananchi wa Tanzania, Luteni Jenerali Yacoub Hassan Mohamed kuteuliwa na Rais wa Jamhuri ya Muungano wa Tanzania, Mheshimiwa Samia Suluhu Hassan kuwa Balozi anayewakilisha Tanzania nchini Uturuki.

Kabla ya uteuzi huo, Luteni Jenerali Mathew Edward Mkingule alikuwa Mdhibiti Mkoo wa Jeshi la Ulinzi la Wananchi wa Tanzania, nafasi ambayo ameitumikia kwa muda wa miaka mitano (5) hadi hapo alipoteuliwa kushika madaraka hayo mapya.

Wanadhimu Wakuu waliowahi kushika madaraka hayo tangu kuanzishwa kwa JWTZ ni pamoja na Brigedia

Jenerali Simon Nkwera (1974 - 1975), Jenerali Tumainiel Kiwelu, akiwa na cheo cha Luteni Jenerali (1975 - 1980), Luteni Jenerali Imran Kombe (1980 - 1983), Luteni Jenerali Martin Mwakalindile (1983 - 1988), Jenerali Tumainiel Kiwelu akiwa na cheo cha Luteni Jeneralis (1988 - 1994), Luteni Jeneralis Gideon Sayore (1994 - 2001) na Luteni Jeneralis Idd Gahu (2001 - 2006).

Wanadhimu wengine ni Jeneralis Davis Mwamunyange, akiwa na cheo cha Luteni Jeneralis (2006 - 2007), Luteni Jeneralis Abdulhaman Shimbo (2007 - 2013), Luteni Jeneralis Samwel Ndomba (2013 - 2015), Jeneralis Venance Mabeyo, akiwa na cheo cha Luteni Jeneralis (2015 - 2016), Luteni Jeneralis Aloyce Mwakibolwa (2016 - 2018) na Luteni Jeneralis Yacoub Mohamed (2018 - 2021).

HABARI KATIKA PICHA



Rais na Amiri Jeshi Mkoo wa Majeshi ya Ulinzi Mhe. Samia Suluhu Hassan akitoa Salamu za pole kwa Wafifa wakati wa kumuaga aliyekuwa Waziri wa Ulinzi na JKT Hayati Elias John Kwandikwa katika Viwanja vya Karimjee Jijini Dar es Salaam.



Makamu wa Rais wa Jamhuri ya Muungano wa Tanzania Mhe. Philip Mpango akitoa heshima za mwisho kwa aliyekuwa Waziri wa Ulinzi na JKT Hayati Elias John Kwandikwa katika Viwanja vya Karimjee Jijini Dar es Salaam.



Rais wa Zanzibar na Mwenyekiti wa Baraza la Mapinduzi Mhe. Dkt. Hussein Ali Mwinyi akisubiri kutoa heshima za mwisho kwa aliyekuwa Waziri wa Ulinzi na JKT Hayati Elias Kwandikwa katika Viwanja vya Karimjee Jijini Dar es Salaam.



Wakuu wa Majeshi wastaifu, Majenerali na Maafisa Wakuu wakiusindikiza Mwili wa Hayati Elias Kwandikwa mara baada ya kutoa heshima zao za mwisho katika Viwanja vya Hospitali ya Lugalo Jijini Dar es Salaam.



Waziri Mkoo wa Jamhuri ya Muungano wa Tanzania Mhe. Majaliwa Kassim Majaliwa akitoa Salamu za pole kwa Familia na Wananchi wa Ushetu kwa niaba ya Serikali muda mfupi kabla ya Maziko ya Hayati Elias John Kwandikwa yaliyofanyika katika Kijiji cha Butibu.



Waziri wa Mambo ya Ndani ya Nchi Mhe. George Simbachawene (mb) akitoa Salamu za pole kwa Familia na Wananchi wa Ushetu muda mfupi kabla ya Maziko ya Hayati Elias John Kwandikwa yaliyofanyika katika Kijiji cha Butibu.



HABARI KATIKA PICHA



Maafisa wa Cheo cha Luteni Kanali wakiwa wamebeba mwili wa Hayati Elias John Kwandikwa walipo wasili katika Viwanja vya Karimjee Jijini Dar Es Salaam.



Mwenyekiti wa Kamati ya Bunge la Jamhuri ya Muungano wa Tanzania wa Mambo ya Nje, Ulinzi na Usalama -NUU Mhe. Mussa Azzan Zungu, Wabunge na Viongozi wa Chama na Serikali waliofika Viwanja vya Karimjee kutoa heshima zao za Mwisho kwa Hayati Elias Kwandikwa.



Mkuu wa Mkoa wa Pwani Mhe. Abubakari Kunenge akiongoza Waombolezaji katika Misa ya kumuaga Hayati Elias John Kwandikwa, iliyofanyika Kanisa Katoliki la Mtakatifu Maria Kibaha pembeni ni Katibu Mkuu Wizara ya Ulinzi na JKT Dkt. Faraji Mnyeppe.



Familia ya Hayati Elias Kwandikwa walipo kuwa katika Misa takatifu ya kumuombea Marehemu Kwandikwa katika Kanisa Katoliki la Mtakatifu Maria Kihaha Tumbi Mkoani Pwani.



Wananchi wa Kijiji cha Butibu Ushetu wakifuatilia kwa makini taratibu za Maziko ya Kijeshi ya mpendwa wa Hayati Elias Kwandikwa



Gari la Kijeshi likiondoka na Mwili wa Hayati Elias Kwandikwa katika Kanisa Katoliki la Mtakatifu Maria Mkoani Pwani mara baada ya misa Takatifu ya kumuombea marehemu kumalizika.

SMH

LOGISTICS COACH

Furahia Safari na Usafiri Salama

**DAR-DODOMA
DODOMA-DAR
KILA SIKU!**

HUDUMA ZILIZOPO:

- Vinywaji na Vitafunwa.
- Viti Vya Starehe.
- Huduma ya Mtando Bure.
- Runinga Za Kisasa.
- Kiyoyozi.
- Wahudumu nadhifu.
- Waliobobe Katika Kujali Mteja
- Kwa Viwango Vya Halli Ya Juu.
- Uhakika Wa Ulinzi na Usalama
- Kwa Abiria Na Mizigo yako.

**GHARAMA
ZAKE NI
NAFUU.**

WASILIANA NASI:

0713 46262

0789 021042

E-mail smhlogisticscoach@gmail.com
www.smhlogisticscoach.co.tz



M&I JKT



M&I JKT tunatoa huduma ya Chakula na Vinywaji katika Mikutano, Warsha, Semina na Sherehe mbalimbali Kama Kitchen Part, Send off na Harusi.

Tunapatikana Mgulani JKT, Wasiliana nasi kwa: 0716-226885

Pia tunatoa malazi katika hotel yetu ya Kisasa Mbweni JKT Club Wahi ujipatie huduma katika mandhari nzuri kwa bei nafuu

Kwa Mawasiliano Simu: 0715-303434